

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۲۱ نجی سنہ

۲۸ جمادی الاولیٰ ۱۳۳۰

❁ پنجشنبہ ❁

جلد : ۱۴ - جزو : ۱۴۶

روسیه شرقده نه مقصد تعقیب ایدیور ؟

ابتالیا ایله آرمزده ظهور ایتش اولان حربك بدایتده دول معظمه سائره گئی روسیهده اعلان بیطرفی ایتش ؛ بوغازلر مسئلهسنك قورجانلجفته دائر دوران ابدن شایعات مصریه و غمما بیطرفلنك انجباب ایشدییکی احکامه بر مدت رعایتکار گئی گورنشدی . حال بوکه شو صوگ زمانلرده حادث اولان و یا ده طوغریسی بالالترام احداث ایدیلن برایکی وقعه بایلیده روسیه نك بیطرفلق مسلكندن نهایت انحراف ایله علمزده بر سیاست تعقیبه قرار ویرمش اولدیفته حکم ایتك ضروربدر . بو وقایعدن برنجیسی معلومدرکه بوندن بر ایکی آئی اول ظهور ایتش اولان ایران حدودی حادثه سی ایدیکه روسیه بو مناسبتله قفقاسیه طرفلرنده تحشیدات عسکریه باشلامش و بو تحشیداتك بر آرماق يك فعال بر شکل آلسی محافل عثمانیه بی جدأ اندیشه دوشورمش ایدی . اصحاب مطامعه نك خاطرند الماتی کرگردرکه روسیه نك آسیا حدودمزه طوغری اجرا ایلدیکی بو سوقیات عسکریه بدایه عادی برشایه صورتده صحائف مطبوعاته عکس ایلش و بر چوق دفعه لر متناوآ تکذب و تأیید ایدلگدن صکره نهایت سختنده کیمسه نك شبهه سی قلبه حق صورتده کسب قطعیت ایتش و حتی روسیه ایله آرمزده بر مقارنت حصواتی هر نه دنسه اسکیدن بری محتدل گورمکده بولنش اولان بر ایکی غزته من ییله بونی انکار ایدمیه رك مسئله نك اهمیتدن باحت مقاله لر یازمده مضطر قالمشلردی . روسیه نك او زمان بو تحشیداتی ظاهراً اولسون بحق گوسترمك انجیون بزم ایران حدودنده فعالیتده بولندیغزی سبب اوله رق ایلری سوردیکی ده طبیعی خاطرلرده در . بو سببک ایسه نه قدر عادی برهانه اولدیغنی ایضاح احتیاجندن وارسته گوررز . بزم حال صاحده وداخله هر درلو غائله دن آزاد بولندیغز بر صرعه بیله قوموشومز ایران ایله بر حدود مسئله سی چیقارمق ایسته میه جکمز واهله بوبله بر مسئله طولایسیله ایشی روسیه ایله بوزوشمق درجه سته قطعاً وارد بره میه جغنز اك اعتراض کونورمن حقیقتلردن ایکن باشمزمه بر طرفدن دول معظمه دن معدود بر دولته محارب اولمق گئی بر غائله موجود اولدیغنی و دیگر طرفندن ده بالقانلرده عمومی برهومه دوچار اولمق گئی ایکنجی بر غائله به معروض بولندیغز بوبله تهلیکلی بر زمانده شرق حدودمزمده اك عادی بر حادثه ظهورینه سبب اولقدن صوگ درجه ده توق ایدم جکیزی بتون عالم و بالخاصه روسیه دوستمز يك اعلا بیلر . حال بوبله ایکن روسیه نك اوافق بعض حرکات عسکریه منری نم الوسیله اتخا ایدم رك درحال قفقاسیه طرفلرنده واسع مقیاسده تحشیداته قیام ایتسی بزم قارشى بر مقصد مخصوصه مستند فکر تجاوز پرورده

ایتمکده اولسندن بشقه بر شته حل اولتی احتمالی یوقدی . حتی روسیه ناک حرکات واقعه سی نهایت اوروپا ناک نظر دقتی جلب ایتمکدن خالی قالدی . و بو حال بعض محافده بزد اولدینی قدر جدی اندیشه لر او یاندردی . روسیه ناک او وقت تحشیدات واقعه سندن بردن بره صرف نظر ایدمک بزه قارشی تأمینات مسلحکارانه بولنجه مجبور اولسی ایسه احتمال که تشبثا ناک اوروپا ده حصوله کتیردیکی بو سوء تأثیردن ایلری کلسدر . حتی فرانسه غرته لرده بو مسئله مناسبتیه واقع اولان نشریات مبانده حقیقه ناک زیاده مفارن کچی گوربان بر روایت نظرأ روسیه ناک سوقيات عسکریه سنی طوردر برق بردن بره تبدیل ودها طوغریسی تعدیل مسلك ایلمه سنه ناک زیاده فرانسه و انکتره دولتری طرفدن وبرلن نصیحتلرک تأثیری اولمشدر .

فی الحقیقه فرانسه ناک موسیو پوانقاره موقع اقتداره کلدیکندن بری ، بزه قارشی اولان معامله سنده بر تحول حصوله کلدیکی محسوس بولندیکی کچی انکتره ناک ده بر قاچ زماندن بری حمزده دها توجهمکارانه دکلسده دها مئیالانه برسیاست تعقیب ایتمکده اولدینی ده آشکاردر . بو سبیلره بو ایکی دولتک پترسبورغده وصایا ده بولمش اولدیغندن و روسیه ناک بو وصایا اوزرینه بردن بره باشلادیکی تشبثات تجاوز کارانه سنی هیچ اولمازسه تأخره لزوم گوردیکنه دائر او وقتلر مصرأ دوران ایدن روایتک صحته اعتاد اولنه بیلور .

ایشته روسیه ناک بزه قارشی تبدیل طور و مسلک قرار ویردیکنی پک صریح صورته اثبات ایدن ابلك حادثه بو صورته ظهور اتمش و بر مدت بتون اوروپایی هیجانه دوچار ایتمکدن صگرم نقل ایتدیکنم وجهله و موقتاً قیامعشدر .

روسیه ناک مسلکده دائر بزه جالب اندیشه گوریلان ایکنجی حادثه کلهجه اوده ایतालیا ناک چناق قلعه سینه هجومیه برابر روسیه ناک ده بحر سیاه بوغازنده برغایش بحریده بولنه جفته دائر اورتیه چیقاریلان حوادثدر . واقعا بو ایکنجی جهت ، واقعه دن زیاده شایعه حالنده قلنش ایسه ده بوندن بر ایکی هفته و آل شایعه مذکورده او قدر چوق تکرار ایدلش و اوروپا ناک انک جدی اوراق حوادثنده بیلر بر آره لاق اوقدر جدیت و اهمیت ایله موضوع بحث اولش ایدی که بزم فکر مزجه بونک بستیون اصل و اساسدن عاری بولندیکی و روسیه ایله ایतालیا آره سنده بزه قارشی بر حرکت مشترکه ایچون ائتلاف حصوله کلدیه بیلر هر حالده مذاکره جریان ایلدیکی محققدر . ایतालیا ناک کچنلرده چناق قلعه سینه هجومی اوزرینه ، روسیه ناک ، بحر سیاه بوغازنه قارشی اجرا ایدمکچکندن بحث اولنان نمایشی اجرا ایتامش اولسی ایسه نه شایعات واقعه ناک اساسزلغه بر دلیل قوبدر ، نه ده روسیه ناک بزه قارشی سیاست تجاوز کارانه سندن صرف نظر ایلدیکنی اثبات ایدر . اوزمان اشاعه ایدیلن غاییشک وقوع بولماسی یا ایतालیا ایله ائتلاف تام حصوله کلمدیکندن ، یا بنه اوروپا طرفدن بر ممانعت گوستردیکندن و یاخود روسیه ناک مترقب اولدینی وقت فرصتک هنوز موسم ادراکی حلول ایتمدیکنه قائل اولسندن طولانی اوله بیلر .

ایشته شو احوال و قظا هرات پیش امان و مطالعه به آکنجه روسیه ناک بر قاچ زماندن بری بزه قارشی تبدیل طور و مسلک ایدمک مختاصتکارانه بر بولیتیه تعقیب ایلدیکنده شبهه ایدله منر . شمده به قدر ظهور ایدن ایکی حادثه بو بولیتیه ناک بر شکل قطعی فعالیت آلمه سنه

کفایت ایقامه شد. فقط بزه، هرحالده براونچی حادثه ظهورینه انتظار اجتماعی و با احتمال ایله جداً محترز و احتیاطکار بولنی یز. پترسبورغ حکومتک سفیرمک هر مراجعتنده ویردیکی تأمینات الک عجمی دیپلوماتلر ایچون بیله اطمینان بخش اوله ماز. اساساً موسیو ساسونوفک پکنلرده ابراد ایتدیکی نطقک بزم محافده موجب ممنویت گورلما می ده روسیه نك خصوصی اوله رق ویردیکی تأمیناته نه درجه لره قدر اهمیت عطف ایدمک لازم کله جکئی اثبات ایدر. دیگر طرفدن روسیه نك قفقاسیه جهتلرنده بوگونلرده ینه سوقيات و تحشيدات عسکریه به باشلادینی روایت ایدیلور. بوده گوستریور، که روسیه هرحالده بزه قارشی استحضار آندده بولنیور و یا هیچ اولمازسه حدونی قوه قریبه به کلش اولان برطاقم وقایع عظیمه ایچون تدارککی طاورانعق لزومنی حس ایدور. بوتظاهرات مشوشه و حضور براندازانه قارشوسنده دیپلوماتلرمک نه دوشندکری، احوالک تهلکسنی لایقوله تقدیر ایدوب آکا گوره دور. اندیشانه تدابیر اتخاذینه توسل ایدوب ایتدکری بالطبع بزه مجهولدر. فقط سلفنک خطیثات جانخراشنی تلاق ایدمک کی گوریتان، مهارت و درایت سیاسیه سی (ده بیلی قرونیکل) غزته سیله پکنلرده نشر اولسان افادات متینانه و عزیمتورانه سندن گرگی کی محسوس اولان خارجه ناظر لاحقمن عاصم بک افندیکن هرحالده شالدن بک تهدید آمیز بر صورنده باش گوسترن تهلککینی کال حزم و احتیاطله پیش نظر امعاندده طوئقده و تأمین سلامت دولت ایچون الک سالم طریقده توسل چاره لری آراوشدیرمقده اولدقلرندن امید وارز. دیگر طرفدن مطبوعا. تمزکده یالکیز محاربه به دائر عوامفریبانه تفصیلاته حصر صحائف ایدمک افکار عمومیه به یا کلش جریانلره سوق ایقامه لری و بالخاصه عدو قدیم وارثیزک، مسلک حاضری اعتباریه معروض بولندیغز غوائل عظیمه بی ممکن اولدینی قدر شرح ایدمک اصحاب مطالعه نك فکری تنویر چالشمه لری لازم کاور.

روسیه نك بزه قارشی بویه تبدیل طور و مسلک ایتمک اسبابنه کلنجه، اروپا محافل سیاسیه سنک آکا دائر اولان مطالعاتندن بر نمونه گوسترمک ایچون (ژورژ غولیسک) بالاده کی عنوانی مقاله سنی ترجمه ایله زیره نقل ایدورز. (ژورژ غولیس) مسائل شرقیه ایله اشتغال ایدن فرانز ارباب قلمندن اولوب بزه قارشی حیثات خیرخواهانه و ده طوغریسی بیطرفانه پرورده ایتمکله معروفدر. کندینی یارسده منتشر (اوپنینون) رساله سی محرر. لردن اولدینی گی، ایوم درسعادته بولمقده و اورادن (دها) غزته سته احوال سیاسیه داخله و خارجه مزه دائر اولدقجه مدققانه و حقکویانه مکتوبلر گوندرمکده در. بوجه آتی نقل ایتدیکن مقاله سنده روسیه نك بزه قارشی من القدیم تعقیب ایتدیکی مسلک ایله بوندن صکره تطبیق ایدمک کی سیاسیات حقنده بر خیلی مطالعات مصیبه ده بولندینی گی، یکی یکی برطاقم نقاط نظرده سرد ایتدیکندن، اصحاب مطالعه به احوال حاضره سیاسیه من اعتباریه و سیله ارشاد و ایقاظ اوله جغنی امید ایدرز.



روسیه حکومتی اورویانی ، سور و کله مک ایستدیکي نقطه به - تعقیب ایدیهلک طریق آرزوسنک خلافت بر آزدیکشمش اولمقله برابر - نهایت سوقه موفق اوله ییلدی . خاطر لرده درکه روسیه بادی امرده عقد صلح ایچون حکومت عثمانیه نزدنده تشبثانده بولمسنی تکلیف ایتمش ایدی . دول معظمه بویه وحیدالهدف بر تشبث سیاسی اجراسنی رد ایتدیلر . بعده اگر صلح حقنده تعاطی کلام ایدمک ایستلورسه بونک اول باؤل روماده وقوع بولمسی ؛ چونکه حربک منشأ وسبی روما اولدینی اساسنی قبول ایتدیره ییلدیلر . ایٹالیا حکومتی ، واقع اولان مراجعته جواباً طرابلسک الحاقنه دائر انخاذ ایدلکی قراری تأکید وتایید ایلدی . حتی بومراجعته ، قرار واقعتک دول معظمه طرفندن نوعما رسمی صورتده قیدواشارت ایدلمسنی ده موجب اولدی ، که بوده موقعک مشکلات ووخامتنی بالطبع تزیید ایلدی . بونی متعاقب حکومت عثمانیه ده طرابلس غربک تخلیه سی اساسنه مستند اولیهلحق هیچ بر طرز تسویه نی قطعاً قبول ایدمه چکنی ییلدیردی . بوصورتله ایکی طرفده یکدیگره قارشی ادنا بر مساعده کارلق اعطاسندن محتجب بر وضع تمرد و تعند اخذی ایچون وسیله ویرلمش اولدی . ایشته اورویاده بوکی نتیجه لره منجر اولان تشبثانه ، استحصال صلح ایچون صرف مساعی ایتمک دیورلر .

روسیه نك بومسئله ده علی العاده برتوسطه اوک آباق اولمقدن بشقه برشی یایمق تصورنده بولمقدیقته قولای قولای حکم ویرله من . چونکه بو طرزده واقع اوله لحق تشبثک بر نتیجه مفیده ویرمه چکنی هرکس کی روسیه ده پک اعلا بیلوردی . احوالده روسیه حکومتک ، اورویاچه اجرا ایدیهلک هر درلو توسطک حسن صورتله نتیجه لیمسی امید و احتماللرینی بویه بر حمله ده عقیم بر اقدیرمق ایسته مکده مقاصد مخصوصه سی اولمق اقتضا ایدر . بناء علیه بواحوال قارشوسنده بزم : روسیه اورویانی نه طرفلره سور و کله ایستور ؟ سؤالی ایراده حقمنز واردر . فی الواقع اولار روماده ، بالاخره استانبولده اجرا ایدیلن تشبثات ، نه کی خفی منویات ومقاصدک تظاهرات ابتدائیه سی ویا مبادی تطبیقیه سیدر ؟

وهله اولاده روسیه نك ، ایتالیا امال و منافعی مروج برمسلك تعقیب ایلدیکی ظن ایدیله بیلیر و بوا احتمال و ذهاب ، موافق نفس الامر اولدینی تقدیرده بزر ایچون بادی خوف و اندیشه اولمق اقتضا ایدر . حتی روسیه نك طرز حرکتدن بویله بر مقصده خدمت ایتدیکی اوقدر محسوس اولور که ۱۹۰۹ ده چار ایله و یقتور نه مانوئل آرمسند (راقونچی) ده وقوعه کلن ملاقات اوزرینه روسیه ایله ایتالیا آرمسند بر مقاوله عقد ایدیلدیکنه دأر بوکونلرده ایلری سوریلن روایاتك مقارن حقیقت اوله بیله جکی خاطر لرله کلیور . ایتالیا نلر ك ایسه ، ترکاری ، بلاخوف و احتراز اك زیاد تهیدیه قادر و آنلره قارشى هر کسدن زیاده وسائله قویه تضییقه یه مالک بر حکومتك جناح معاونت و مظاهرتنه وقتيله صیغتمش و یا بوکون صیغتمه لزوم کورمش اولملری ده ، کنندیلرینك طرابلسی استیلاسی قدر بجرکزجه احضار ایدلمش برایشه تشبث ایتمکله نه مجنونانه احتیاط سزلقمده بولندقلرینی اثبات ایدر .

ایشته بواحوال و تظاهرات میدانده ایکن پترسبورغ هیئت حکومتك ایکیده برده واقع اولان بیانات ملائمتکارانه سی ، روسیه نك حکومت عثمانیه یه قارشى پرورده ایلدیکی مقاصد مضمره حقنمه امنیت بخش اوله ماز . موسیو چاربوقوفك درسعادتن کیرو چاغریلسی ایله ایلک اثری کوریلن تحول سیاسی پك ناکهانی و اساسلی اولدینی ، موسقوف دیپلوماسیسنك شرقده تطبیقنی اعتیاد ایدندیکی مسلك شدید و حقارت آمیزك خاطرمسی هنوز پك قریب بولندینی جهتله ، روسیه نك شمعی بردن بره اواینان فعالیت حاضرهمسی ستر ایدن سرار و خفایانك تولید اندیشه ایتمهمسی قابل دکلدر .

حکومت عثمانیه نك خارجیه ناظرى عاصم بك ، دیپلوماتلغه خاص اولان نزاکت مجبوله سی ایله و اك امتزاجیروانه و اشتلافکارانه برلسانله ، ایتالیا نلر ك ضبط و استیلایه موفق اوله مدقلری برایالت عثمانیه یی ذات حضرت پادشاهینك ایتالیا قرالنه بخش و هبه ایدهمیه جکئی ایضاح و اثبات ایتدکدن صکره کرک مشارالهاك ، کرک باب عالینك حسن نیتدن محروم بولندقلری اتهامنه معروض قالملری پك محتلمدر . بزى بویله بر احتمالده بولتمغه سوق ایدن ایسه تاریخدر .

فی الحقیقہ تاریخ بزم حکومت عثمانیہ ننگ ، کندیسنہ قارشی اعلان ایدیلان حربلرده غالب اولسون ، مغلوب اولسون دایما نہ صورتدہ متضرر ایدلدیکنی کوسترمورمی ؟ ۱۸۹۷ دە یونانلیلر قارشی احراز ظفر و غلبہ ایدلدکن صکرہ اوستہ کریدی ترکہ مجبور طوتلدیغنی یلیورمی یز؟ دولت عثمانیہ یی ، بر جوق اولادیننگ قانی بهاسنہ قازاندیغنی غالبیتہ رغماً (فدیہ مصالحو) قیلندن اوستہ کریدی و بر مکہ اجبار ایدن کیم ایدی ؟ روسیہ دکلئ ؟

اگر چار ، و قتیلہ یونان قرالی (یورکی) ایچون یابدیغنی بوگون دە ایسالیہ قرالی (و یقتور نہ مانوئل) ایچون یامنی تصور و تصمیم ایدیورسہ عجا روسیہ ایلہ متفقلری بویله بر تشبندن ۱۹۱۲ سنہ سنده ۱۸۹۷ تاریخندہ کندن فضلہ برشی قازانمش اولہ جقمیدر ؟ اووقت عبدالحمید بر طرفدن معروض قالدیغنی بتون بو حقسنر لقلرک تولید ایدلدیکی انفعال نتیجہ سی اولہرق و دیگر طرفدن دە احداث رقابت ایلہ استحصال موازنہ مقصدیلہ مملکتک قیولرینی ایکنجی کیلوم ایلہ آلمانلرہ آچمش ایدی . (اسالیہ) حربی تعقیب ایدن اون برسسنہ فرانسه ننگ شرقدہ کی الک فناء ، الک ضررلی بردورسنی تشکیل ایلر . روسیہ سفیری موسیو (زینوویف) الک وضع عنیفانہ و عبوستکارانه سی و هراشی اخلال و افسادہ منحصر اولان پولیتیقه سی ، حکومت عثمانیہ ننگ مادہ ترقیسی تأمین ایلیہ جک هر درلو تشبته قارشی کوستردیکی ممانعت و مقاومت شدیدہ ، ما کدونیادہ حضور و اسایشک عدم تقرری ایچون آوستریا ایلہ جویردیکی فرلداقئر . و الحاصل حکومت عثمانیہ یی بک زیادہ یزار و متضرر ایدن بو غریب طور و مسلکک مسئولیتی ، روسیہ ایلہ اتفاقردن طولانی قسماً بزمده معطوف اولہ ییلیدی . فقط بو کفات ایتیمورمش کبی روسیہ ایلہ اولان معاهداترک یا کلش بر تفسیری طولانیسیلہ ، حکومت عثمانیہ ایلہ برماضی بعیددن بری دوام ایدن و بر جوق مساعی و هممک محصولی اولان مناسبات حسنہ مزیدہ آیاقئر آلتہ آلدق . مثلاً ۱۸۹۶ ارمنی وقوعانہ هیچ بر مداخلہده بولخامق مسلکک تعقیب ایتمشکن ، بغداد خطنک انشاسنہ رسماً اشتراکزه مانع اولق ایچون روسیہ باش وکیلی موسیو (ویتہ) طرفدن پارس مطبوعاتندہ اجرا

ایستدیریلان نشریات ولوله کارانه یوزندن اوفانده لی ایشدن محروم قالدق. شوصورتله بر طرفدن حکومت حمیده نك مظالمی قارشوسنده . دیگر طرفدن ده نمره دار تشبثات صناعیه قارشوسنده قوللرمزی قاروشدیروب سیرجی موقعنده قالمقله اکتفا ایستدک. یعنی هم شرقده کی حسن صیت و شهرت می. هم ده منافع اقتصادی می روسیه ایله اتفاقزه فدا ایش اولدق . باری روسیه بزم بوفدا کارلغزدن بر استفاده ایش اولدی می ؟ خیر . روسله بویوزدن ترتب ایدن فائده . ترکاره قارشی اسکیدن بری حس ایستکلری عداوت و غرضك تطمین ایدلمسندن و بر خولیای قدیمك بر آردا قوت بولش اولمسندن عبارتدر . بوخولیای قدیم ایسه معلوم اولدی می اوزره حکومت عثمانیه یی تدریجاً جوریته رك نهایت متروکانه توارث ایلکدر . حال بوکه بوخولیا اقدردر قابل حصول برشی ده دکلدر . چونکه حکومت عثمانیه نك بقای حیاتی مقتضای منفعتلری اولان دولتلر تیقظدن بر آن خالی قالمیورلر .

روس دیپلوماتلرینك حکومت عثمانیه یه قارشی بواسکی سیاست عداوتکارانه یی یکیدن تطبیقه باشلاملرندن آلمانیا پك گوزل صورتده استفاده یولنی بولدی . بزرگ انسرلر کلمجه سفیر می موسیو قونستان . قدیمدن بری استحصال ایش اولدیغز حقوقی . موقع ممتاز می ممکن مرتبه ادامه و محافظه یه ساعی اوله حق یرده آلمانلرک تعقیب ایلدی کی پولیتیه نك تسهیل حصولی انتاج ایده جك بریول طوتدی . و بونك نتیجه سی اوله رق ترک باده ۱۹۰۸ انقلابی وقوعه کلدی کی وقت بزرگ سعادتده برلین پیاسه سه تابع بر هیئت مالیه موقعنه دوشمش بولنیوردق .

برکت ویرسون که جریان احوال و سوق وقوعات ایله در سعادتده طامش اولدیغز غفلت و عطالت پولیتیه سندن نهایت صیریلوب قورتلمه . غائب ایستدی کمز نفوذی تکرار اکتسابه . و شرقده عصرلردن بری حاز اولدیغز افعال و حرکاتده مستقل حکومت معظمه موقع و اهمیتنی تکرار استحصاله موفق اولدق . روسیه ارباب سیاسیانی ایسه وقوعات متحدثینی ده دور بین و بصیرتکار بر نظرله دریش ایدره ك حکومت عثمانیه نك مقدراتنده بیوک بر تحول حصوله گلدی گنی ادراکده مشکلات چکمدی . بوده روسیه اتفاقك بعدما در سعادتده تعقیب ایله جکمز سیاسیانی

سکته دار و اخلاص ایدم چک ماهیتدن قورتلهرق بالعکس اق سیاستک کمال موفقیتله
تطبيقه خادم بر عنصر قوت و مظاهرهت شکلی آلمسی انتاج ایتدی . شو حالده
بز آناتولی شرقی ده بغداد خطیله رقابت ایدم چک غایت واسع مقیاسده مهم بر
تیمور یولی شبکه سنک انشاسی امیدینی پرورده ایتکه باشلامشدرق . روسیه حکومت
عثمانیه نك اق خطه اراضیسی اوزرنده غریب برحق امتیازه مالک بولنیور . حکومت
مذکورہ . سلطان حمیدك محافظه حیات قیدیه دوشدیکي خوف مجنونانهدن
بالاستفاده قفقاسیه به التجا ایلش اولان بر قاچ ارمنی اختلاجیسینک تکرار ممالک
عثمانیه موروینه مانع اولق وعدینه مقابل شرقی آناتولیده کنديسندن بشقه
حکومتک شمندوفر انشاسنه مساعدده ایدلماک حقی استحصال ایلشدی . موسیو
(چاریقوف) ك تعقیب ایلدیکی پولیتیکه سایه سنده ایسه روسیه مغایر حق و اخلاق
اولان بو مقاوله نك حکمندن بزم لہمزہ اولهرق صرف نظر ایتک اوزره
بولنیوردی . حال بوکه بوندن صکره معهود پرنس (مچنیقوف) ك ۱۸۵۳ ده
تطبیق ایلدیکی طرز سیاسته عودت ایلش گبی کورینسان بر روسیه حکومتدن
نه بکنه بیلیر ؟

واقعا روسیه بو قدیم و تجاوزکار پولیتیکه سنی هنوز تماماً تطبيقه باشلامدی ،
فقط ایٹالیا - ترکیا حربنده ایٹالیانك لهنده اولهرق کوستردیگی تمایلات و توسط
نتیجه سی اولهرق تشبث ایلدیگی مداخلاتدن مقدم . درسمعادنده بصیرتکارانه و
اعتدالکارانه بر پولیتیکه تعقیبی مسلك ایدمش اولان موسیو (چاریقوف) ك
بردن بره نظر توجهدن اسقاط ایدیلهرك کبرو چاغریلی موسیو قوف حکومتک
هر حالده تدریجی و منطقی بر صورتده تکرار اق اسکی غایه خصوصیتکارانه به
طوغری ایلریلک ایستدیکنه دلالت ایدر . بو حالده ایسه روسیه نك منافع حقیقه -
سنی مروج بریول تعقیب ایدم چکی یرده بعض متعصب رجال سیاسیه نك احتراصات
و اغراضنی تطمین و تسکین ایدم چک حقسز بر پولیتیکه تطبیق ایله چکندن
یک زیاده قورقلق ایجاب ایدر . روسیه ، بویکی مسلك سیاسینک ایلک اثر فعلیسنی
ایٹالیایی ، کندی کندينه قورتلهمیه جنی کتدیکه تحقق ایتکده بولنان طرابلس

غالبه سندن تخلص ایتک صورتیه اظهار ایلکه قرار ویرمش کبی کورینور .
مع مافیه بومقصد حاصل اولدقدن صکره اق باشلادیعی طریق تجاوز و تعرضده
دوامه انکلتزه . آستریا و آلمانیا دولترینک مساعدده کوستروب کوسترمیه جکلری ده
جای سؤالدر .

بزرگ انسرلره کلنجه روسیه نلک بوغریت سیاساتی یوزندن شرقده تولد ایله جک
اولان حال وموقعدن طولایی نه قدر اندیشناک اولسه ق یری واردر . بو سیاسیات
تیجیه سی اوله رق آلمانیا نلک ۱۸۹۸ ده اولدیغی کبی ینسه مداخله ایله حکومت
عثمانیه نلک ، (کنج ترکیانلک) حتی (اتحاد و ترقی) جمعیتنک حامی ومستخلص رولنی
اویناه جفی محققدر . چونکه آلمانیا ، کندیسنه مأمول ایلدیگی منافع ونمرات
تأمین ایدملک شرطیه . هر کارک اهللی اولق . هر ایستنیلان شیئی اورتمک
قابلیتی حاضردر .

